

四庫全書

史部

欽定四庫全書

欽定續通典卷三十四

職官

東宮官

唐制東宮官置諸坊局皆因隋制

詳見杜佑通典東宮官總叙

宋東

宮官或以他官兼或置或省其制不常有太子太師太

傅太保少師少傅少保太子賓客太子詹事左右庶子

左右諭德太子侍讀侍講

侍讀侍講皆前代所無

太子中舍人舍

人資善堂翊善贊讀直講說書皇太子宫小學教授資

善堂小學教授

翊善贊讀直講皆舊制說書而下南渡後增置

其左右春坊有

主管左右春坊事一人以內臣兼同主管左右春坊事

二人以武臣兼承受官一人以內侍充遼北面官皇太

子特哩袞司有皇太子特哩袞又有皇太子祇應司南

面官東宮官有太子太師太傅太保少師少傅少保太

子賓客太子詹事少詹事丞主簿太子司直其左右春

坊多因唐宋之制金海陵天德四年置宮師府三師三

少詹事院詹事三寺十率府皆隸焉無左右春坊庶子
有左右諭德贊善元世祖至元十元年立詹事院備左
右輔翼皇太子之任置左右詹事各一人副詹事詹事
丞院判各二人吏屬六十有二人別置宮臣賓客二人
左右諭德贊善各一人校書郎二人中庶子中允各一
人三十一年改為徽政院成宗大德九年復為詹事院
尋罷十一年更置詹事院以後復廢置不一文宗天曆
元年改為儲慶使司二年復為詹事院未幾改為儲政

院院使六人同知二人僉院二人同僉二人院判二人
至順帝至正六年立皇太子宮傳府九年立端本堂為
皇太子學宮置諭德一人贊善二人文學二人正字二
人司經二人十三年冊立皇太子增置賓客二人中庶
子中允各一人未幾復立詹事院罷宮傳府置詹事三
人同知詹事二人副詹事二人丞二人首領官四人中
議長史各二人管勾照磨掾史之屬員數有差明太祖
洪武初置大本堂充古今圖籍其中召四方名儒訓導

皇太子親王諸儒專經面授分番夜直已而太子居文
華堂諸儒迭班侍從又選才俊之士入充伴讀時時賜
宴賦詩商榷今古評論文學是時東宮官屬自太子三
少賓客外則有左右詹事同知詹事院事副詹事詹事
丞左右率府使同知左右率府事左右率府副使諭德
贊善大夫皆以勲舊大臣兼領其職又有文學中舍正
字侍正洗馬庶子及贊讀等官十五年更定左右春坊
官各置庶子諭德中允贊善司直郎又各設大學士尋

定司經局官設洗馬校書正字二十二年以官聯無統始置詹事院二十五年改院為府凡坊局皆各有印而事總於詹事府二十九年增設左右春坊清紀郎司諫通事舍人惠帝建文中增少卿寺丞各一人賓客二人又置資德院資德一人資善二人其屬贊讀贊書著作郎各二人掌典籍一人成祖復舊制英宗初命大學士提調講讀官然明時詹事府多由他官兼掌天順以前或尚書侍郎都御史憲宗成化以後率以禮部尚書侍

郎由翰林出身者兼掌之其協理者無常員春坊大學士自景帝景泰間倪謙劉定之而後僅楊廷和一任之後不復設其司直司讀清紀郎亦不常置唯世宗嘉靖十八年以陸深為詹事崔詵為少詹事王教羅洪先華察等為諭德贊善洗馬皇甫洵唐順之等為司直司諫皆天下名儒自明初宋濂諸人後宮僚莫盛於此嗣是出閣講讀每點別員本府坊局僅為翰林官遷轉之階而已其南京詹事府止設主簿一人

太子六傳

三太

三少

唐制太子太師太傅太保各一人掌輔導太子少師少傅少保各一人掌曉三師德行以諭皇太子奉皇太子

以觀三師之道德自太師以下唯其人不必備

泰和初趙宗儒

進太子太傅文宗召訪政理對曰堯舜之化慈儉而已願陛下守之帝納其言又盧鈞守太子太師帝元日大饗含元殿鈞年八十升降如儀音吐洪暢舉朝咨歎宋太子太師太傅太保太子

少師少傅少保皆不常設仁宗升儲置三少各一人參

政李昉兼掌賓客及升首相遂進少傅此宰相兼官僚

之始也丁謂兼少師馮拯兼少傅曹利用兼少保

時丁謂馮

拯曹利用皆為太子少傅謂請師傳等十日一赴資善堂賓客以下隻日互陪侍講學上從之是時實

為東宮官餘多以前宰相執為致仕官若太子太師太傅太保以待宰相官未至僕射者及樞密使致仕亦隨本官高下除授太子少師少傅少保以待前執政唯少師非經顧命不除若因遷轉則遞進一官至太師即遞司空真宗天禧末皇太子同聽政乃以首相兼少師自後神宗欽宗孝宗光宗在東宮皆不置寧宗開禧後建置

不常多以時宰兼之遼南面官有太子太師

太宗大同元年見太

子太師李崧

太子太傅

世宗天祿五年見太子太傅趙瑩

太子太保

大同元年見太

子太保趙瑩

太子少師

聖宗太平十一年見太子少師蕭從順

太子少傅

興宗重熙

中耶律哈里為太子少傅

太子少保

大同元年見太子少保馮玉

金亦有太子太

師太傅太保少師少傅少保掌保護東宮導以德義

石琚

於世宗時拜左丞兼太子少師嘗請命太子習知故事或諧之曰琚希恩東宮世宗察其無他以此言告之琚對曰臣本孤身蒙陛下拔擢備位執政兼師保之任臣愚以為太子天下本當使知民事遂言及之耳因請解

少師元東宮三師三少不恒有明太子太師太傅太保掌

以道德輔導太子而謹護翼之太子少師少傅少保掌
奉太子以觀三公之道德而教諭焉無定員無專授洪
武元年太祖有事親征慮太子監國別設宮僚或生嫌
隙乃以朝臣兼宮職李善長兼太子太師徐達兼太子
少傅常遇春兼太子少保三年禮部尚書陶凱請選人
專任東宮官罷兼領庶於輔導有所責成帝諭以江充
之事可為明鑑立法兼領非無謂也由是東宮師傅止
為兼官加官及贈官唯永樂間成祖幸北京以姚廣孝

專為太子少師留輔太子自是以後終明世皆為虛銜
於太子輔導之職無與也

太子賓客

唐制太子賓客四人掌侍從規諫贊相禮儀宋仁宗至
道元年建儲初置賓客二人以他官兼真宗天禧四年
叅政任中正樞副錢惟演叅政王曾並兼太子賓客執
政兼東宮官始此南渡後不置寧宗開禧三年景憲太
子立始以執政兼賓客後復省理宗景定元年度宗升

儲以朱熠皮龍縈沈炎並兼賓客遼南面官太子賓客
院有太子賓客金無此官元武宗至大元年仁宗在藩
邸開宮師府姚燧年已七十遣正字呂誠如漢四皓故
事起燧為太子賓客明太子賓客與三師三少俱為東
宮大臣無定員無專授洪武元年太祖有事親征太子
監國以治書侍御史文元吉范顯祖兼太子賓客十三
年九月置四輔官以王本杜祐龔穀為春官杜穀趙民
望吳源為夏官皆兼太子賓客

太子詹事

丞

主簿

司直

唐制詹事府詹事一人少詹事一人掌統三寺十率府之政少詹事為之貳宋自仁宗升儲置詹事二人神宗欽宗升儲並置二人皆以他官兼登位後省孝宗乾道元年莊文太子立置詹事二人踰月詔太子詹事遇東宮講讀日並往陪侍七年光宗正儲位以敷文閣直學士王十朋敷文閣待制陳良翰為太子詹事不兼他官非常制也理宗景定元年度宗升儲以楊棟兼詹事遼

南面官太子詹事院有太子詹事少詹事金詹事院有

太子詹事少詹事掌總統東宮內外庶務

世宗大定初顯宗為皇太

子選東宮官屬張浩薦揚伯雄遂起為少詹事後進左
諫議大夫翰林直學士會太子詹事闕宰相復舉伯雄
上曰伯雄不可一日去朕左右而東宮亦須輔導遂以
太子詹事兼諫議伯雄知無不言匡救甚多後宮僚有
詭隨者人必稱之元世祖至元時立詹事院置左右詹事

各一人副詹事各二人

時完顏澤以大臣子選為裕宗王府僚屬及裕宗為皇太子署

詹事長入參謀議出掌環衛小心慎密太子甚重之又
王約為太子副詹事仁宗以詹事院諸事循軌大喜嘗
字而不名諭羣臣曰事未經王彥博議者勿啓又謂中
丞托迪曰在詹事而不求賜予者唯彥博與汝二人耳

以後廢置不常至文宗天歷中改為儲政院置院使六人同知二人僉院二人同僉二人院判二人順帝至正中復立詹事院增置同知詹事二人掌輔翼皇太子之任明詹事府詹事一人少詹事二人詹事掌統府坊局之政事以輔導太子少詹事佐之凡入侍太子與坊局翰林官番直進講尚書春秋資治通鑑大學衍義貞觀政要諸書前期纂輯成章進御然後赴文華殿講讀講讀畢率其僚屬以朝廷所處分軍國重事及撫諭諸番

恩義陳說於太子凡朝賀必先奏朝廷乃具啓本以進

其所屬府僚暨坊局官與翰林職互相兼試士修書皆

與焉

孝宗時張元禎以太常卿兼翰林學士仍侍經筵日講掌詹事府事上疏勸經筵宜講太極圖西銘

東宮兼講孝經小學孝宗欣然嘉納亟索太極圖以觀曰天生斯人以開朕也又吳寬為詹事府詹事孝宗在東宮學少間寬率僚屬上疏曰竊唯東宮講學自寒暑風雨朔望令節外一歲之中不過數月一日之內不過數刻況其間又多間歇人生八歲出就外傳居宿於外誠欲離近習親正人也庶民且然況有天下者乎惜曰習讀於內終不若出就外傳親近儒臣講明正道所得為多乎

丞唐置二人掌判府事知文武官簿假使凡勅令尚書

省二坊符牒下東宮諸司者皆發焉宋無遼南面官太子詹事院有詹事丞金亦無之元至元時詹事院有詹事丞二人明詹事府亦有府丞二人

主簿唐制一人宋無遼南面官太子詹事院有詹事主簿金亦無之元儲政院有照磨二人管勾二人明詹事府主簿廳主簿一人南京詹事府主簿一人

司直唐置二人掌糾劾官僚及率府之兵皇太子朝則分知東西班監國則詹事庶子為三司使司直一人與

司議郎舍人分日受理啓狀太子出則分察鹵簿之內
宋無遼南面官太子司直司有太子司直金元皆無明
春坊有左司直郎二人左清紀郎一人右春坊亦如之
俱不常設掌彈劾宮僚糾舉職事文華殿講讀畢諸臣
班退有獨留奏事及私謁者則共糾之

太子庶子

中允 司議郎 中舍人 舍人 通事舍人 諭德 贊善 崇文館學士

洗馬

文學

校書

正字

典膳

藥藏

內直

典設

宮門

等郎

唐制左春坊左庶子二人掌侍從贊相駁正啓奏總司

經典膳藥藏內直典設宮門六局皇太子出則版奏外

辦中嚴入則解嚴右春坊右庶子二人掌侍從獻納啟

奏

德宗時趙宗儒罷相為太子右庶子屏居慎靜奉朝請而已遷吏部侍郎帝召見勞曰知卿杜門六年故

有此

宋左右庶子不常設蓋以儲闡之建隨宜制官以

備僚窠多以他官兼領

仁宗出閣帝選僚佐謂宰臣曰翊善記室府屬也王皆受拜今

王尚少宜以張士遜為友令王答拜於是以戶部郎中直昭文館為壽春王友遷諫議大夫兼太子右庶子改

左庶子士遜言詣資善堂升階列拜而皇太子總跪受宜詔皇太子坐受之帝不許又邵元為穎王府翊善及

東宮建為右庶子又高宗以普安郡王為皇子進封建王詔建王府置直講贊讀各一人史浩兼直講一日講

周禮言膳夫掌膳羞之事歲終則會唯王及后世子之膳不會至酒正講掌飲酒之事歲終則會唯王及后之酒不會而世子不與焉以是知世子膳羞可以不會世子飲酒不可以無節也王作而謝曰敢不佩斯訓及建王為皇太子浩除起居郎兼太子右庶子又梁周翰字元褒真宗在儲宮知其名微為左庶子因令取其所為文章周翰

悉纂以獻

遼南面官左春坊有太子左庶子右春坊有

太子右庶子金無此官元世祖至元時置詹事院有中

庶子一人至正時宮傳府同明左右春坊有大學士及

庶子各一人大學士掌太子上奏請下啓箋及講讀之

事皆審慎而監省之庶子等各奉其職以從

成祖永樂時周述進

左春坊右諭德兼侍讀從皇太子居守南都上諭之曰
汝素厚重尤資匡弼太子雖聰明純謹然智或未逮行
或過中必須盡言庶稱朕意仁廟居守中外無失政德
澤洽於人心述力為多宣德中陞左庶子世宗嘉靖間
童承叙為講官上御文華殿承叙進講周書立政篇極
陳王業艱難周公夾輔之忠詞意婉切上改容聽焉及
冊正儲位乃以承叙為左春坊左庶子兼翰林院侍講
慎輔導之選也又鄒濟擢左春坊左庶子在輔導之職
言無不從寵遇殊厚奉令旨授皇孫經明於啓迪又吳
寬廷對第一侍孝宗於東宮及即位以舊臣進春坊左
庶子

中允唐置二人宋東宮官中不設以中允為階官

太宗太平

興國中 和嶠擢進士第遷光祿寺丞獻所著文賦五十
軸召試中書擢太子中允又神宗熙寧初程顥以呂公

著薦為太子中允監察御史裏行前後進說神宗
以正心窒欲求賢育才為言務以誠意感動主上
遼南

面官左春坊有太子中允

聖宗太平五年見太子中允馮若谷

金無此官

元至元中立詹事院有中允一人順帝至正時宮傳府

同明左右春坊左右中允各二人

太祖洪武初趙文授教諭歷任岳州府學

教授成祖時詔選老學之士能講說者尚書蹇義以文
名上成祖召至御前面諭授左春坊左中允賜宴俾輔
仁宗於東宮文進講經史敷釋明
盡應制有作悉寓歲規庸旨嘉獎

司議郎唐置二人掌侍從規諫駁正啓奏宋無此官遼

南面官左春坊有太子司議郎金不設元儲政院有司

議二人明左春坊有左司諫二人右春坊亦如之皆不常設掌箴誨鑒戒以拾遺補過凡有啓事於東宮與司直清紀執筆紀令旨規正其偽謬者

中舍人唐置二人貳右庶子掌侍從獻納啓奏皇太子監國下令書則畫日至春坊右庶子宣傳中舍人奉行宋至道天禧時置中舍人一人神宗欽宗升儲亦置寧宗嘉定初除二人遼南面官右春坊亦有太子中舍人金元明皆無

舍人唐置太子舍人四人掌令書表啓宋置一人或二人不常設遼南面官有太子舍人金元明皆無

通事舍人唐置八人掌導宮臣辭見承令勞問宋不設遼南面官右春坊有太子通事舍人金元皆無明置詹事府有通事舍人二人

左右諭德唐制左右各一人宋左右諭德不常設或置

一人或二人多以他官兼領

真宗時馮元通五經常召見講易遷太子中允皇子

為壽春郡王王旦又薦元宜講經資善堂乃擢左正言兼太子右諭德又仁宗以壽春郡王開府詔宰相擇者

德方正有學術之士咸薦崔遵度命與張士遜並為王友上作七言詩以寵之儲宮建命為左諭德又神宗出閣簡選宮僚韓琦薦齊恢賢乃進左諭德又孝宗乾道七年詔庶子諭德輪日入宮遼南面官左

右春坊有左右諭德金詹事院有左右諭德掌贊諭道

德侍從文章元至元時立詹事院有左右諭德各一人

至元時焦養直以集賢院侍講學士傳太子於宮中啓沃誠至帝聞之大悅陞太子諭德又李好文為諭德以孝經大學論語孟子中庸摘其要畧釋以經義又取史傳及先儒論說有闕治體而協經旨者倣真德秀大學衍義之例為書十一卷名曰端本堂經訓要義奉本以進詔付端本堂命太子習焉明左右春坊

諭德各一人

贊善唐置左右贊善大夫各五人宋有資善堂翊善

高宗

時范冲歷官侍讀會皇子建國公出就傳命冲以徽猷閣待制為資善堂翊善而朱震兼贊讀時冲震皆名德老人極天下之選

一時號稱得人

遼南面官左右春坊有左右贊善大

夫金亦有左贊善右贊善掌同諭德元詹事院亦有左右贊善各一人至正時宮傳府同明左右贊善各二人

崇文館學士唐置二人宋無遼南面官左春坊文學館

有崇文館學士崇文館直學士金元明皆無

洗馬唐置司經局洗馬二人掌經籍出入侍從圖書上

東宮者皆受而藏之宋無此官遼南面官左春坊司經

局有太子洗馬

道宗大安時劉輝為太子洗馬

金有司經正副掌經史

圖籍筆硯等事元無此官明司經局洗馬一人掌經史
子集制典圖書刊輯之事立正本副本以備進覽凡天
下圖冊上東宮者皆受而藏之

文學唐制三人分知經籍侍奉文章宋無遼南面官司
經局有太子文學金不設元至正時官傳府置文學二
人明亦不設

校書唐置四人掌校刊經史宋無遼南面官司經局有

太子校書郎

太平五年見太子校書郎張昱

金亦無之元詹事院有校

書郎二人明司經局亦有校書二人

正字唐置二人宋無遼南面官司經局有太子正字金

不元宮傳府置正字二人明司經局正字二人

典膳郎唐置典膳局典膳郎二人丞二人掌進膳嘗食

丞為之貳每夕更直於厨宋無遼北面官有皇太子祇

應司金詹事院有典食令丞丞奉膳羞掌飲令丞承奉

茶及酒果之事元太子飲膳之事掌於家令明無

藥藏郎唐置藥藏局郎二人丞二人掌和醫藥丞為之
貳皇太子有疾侍醫診候議方藥將進宮臣泣嘗如尚
藥局之職宋遼皆無金詹事院有侍藥奉藥承奉醫藥
元儲政院置典醫監達嚕噶齊二人卿三人太監二人
少監二人丞二人經歷知事各一人領東宮太醫修合
供進藥餌其屬廣濟提舉司達嚕噶齊一人提舉同提
舉副提舉各一人行典藥局達嚕噶齊一人大使副使

各二人典藥局達嚕嚕齊一大使副使直長各二人明無

內直郎唐置內直局內直郎二人丞二人掌符璽衣服
織扇几案筆硯垣牆宋遼皆無金掌寶二人掌奉寶謹
其出入侍正侍丞掌冠帶衣服給使之事又有內直郎
元典寶監卿太監少監丞各二人經歷知事各一人明
無

典設郎唐置典設局典設郎四人丞二人掌湯沐燈燭

汛掃鋪設宋無遼南面官左春坊典設局有典設郎金元明皆無

宮門郎唐置宮門郎二人丞二人掌宮門管鑰宋無遼南面官宮門局有宮門郎金元明皆無

太子家令

丞署

主簿

食官署

典倉署

司藏

唐制家令寺家令一人皇太子出入則乘輅車為導祭祀賓客則供酒食賜予則奉金玉貨幣凡牀几茵席器物非取於將作少府者皆供焉總食官典倉司藏三署

宋有主管左右春坊事二人以內臣兼同主管左右春坊事二人以武臣兼承受官一人以內侍兼遼南面官太子家令寺有太子家令金有家令掌營繕栽植鋪設及燈燭之事元家令司家令二人掌太子飲膳供帳倉庫又設府正司府正廢置不常明無

丞唐置二人掌判寺事宋無遼南面官太子家令寺有丞金亦有家丞掌同家令元亦置家丞二人又設府正司府丞廢置不常明無

主簿唐置一人宋無遼亦有之金無元家令司有典簿
二人照磨一人府正司同明無

食官署唐置食官署令一人掌飲食酒醴凡四時供送
設食皆饌焉供六品以下元日冬至食於家令厨者宋
遼金皆無元儲膳司卿四人少卿二人丞二人主事二
人照磨一人掌皇太子飲膳之事明無

典倉署唐置令一人丞二人掌九穀醢醢庶羞器皿燈
燭凡園圃樹藝皆受令焉宋遼皆無金置司倉副掌倉

廩出納薪炭等事元明皆無

司藏署唐置令一人丞二人掌庫藏財貨出納營繕宋
遼皆無金置司藏副掌庫藏財貨出入之事元典用監
卿四人太監二人少監二人經歷知事照磨各一人掌
供須文成藏珍三庫內府供給緞疋寶貨等物明無

太子率更令

丞

主簿

唐置率更寺令一人掌宗族次序禮樂刑罰及漏刻之
政太子釋奠講學齒胄則總其儀出入乘輅車為導居

家令之次宋無遼南面官太子率更寺有太子率更令
金元明皆不設

丞唐置一人宋無遼亦有之金元明皆無

主簿唐置一人宋無遼亦有之金元明皆無

太子僕

丞

主簿

廐牧署

唐制僕寺僕一人掌車輿乘騎儀仗喪葬太子出則率
廐牧令進路親馭宋無遼南面官太子僕寺有太子僕
金有僕正副僕掌車馬廐牧弓箭鞍轡器物等事元置

資武庫提點大使各一人掌軍器糞用庫提點大使各一人掌鞍轡明無

丞唐置一人宋無遼金亦有之元明皆無

主簿唐置一人宋無遼亦有之金元明皆無

廐牧署唐置令一人丞二人掌車馬閑廐牧畜凡羣牧隸東宮者皆受其職事宋遼金皆無元典牧署卿二人太監二人少監二人丞二人經歷知事各一人掌孳畜之事明無

左右衛率府

副率以下官屬

唐制太子左右率府率各一人掌兵仗儀衛凡諸曹及三府外府皆隸焉元日冬至皇太子朝宮臣諸方便則率衛府之屬為衛每月三府三衛及五府起乘番上者配以職宋太子左右衛亦有率府率遼南面官亦有太子左右衛率府金左右衛率府掌周衛導從儀仗元武宗至大元年撥江南行省萬戶府精銳漢軍為東宮衛軍立衛率府設官十一員仁宗延祐四年始改為中翊

府又改為御臨親軍指揮使又以御臨非古典改為羽
林六年復隸東宮仍為左衛率府定置率使三人其屬
有鎮撫所鎮撫行軍弩軍屯田各千戶所達魯噶齊千
戶副千戶百戶彈壓各員又有蒙古字儒學陰陽各教
授其右衛率置率使二人隸屬亦減於左屬樞密院不
隸儲政院
明洪武初亦有左右率府使同知左右率府事皆以勲
舊大臣兼領其職後罷

副率唐置二人長史一人

唐置各率府長史以下
胥曹以下職掌皆同

宋左

右衛皆有副率其各率府皆無官屬元左右衛率府皆有副使明洪武初亦有左右率府副使皆以勲舊大臣兼領其職後罷

錄事叅軍唐各置一人唐後歷代皆無

倉曹叅軍唐各置一人歷代皆無

兵曹叅軍唐各置一人歷代皆無

冑曹叅軍唐各置一人歷代皆無

親府勲府翊府唐各置中郎將一人左右郎將各一人

兵曹參軍事一人唐以後歷代皆無

左右司禦府

唐制太子左右司禦率府率各一人副率各二人其屬官皆與左右衛率府同宋亦有左右司禦率府率副率官存而無職司遼南面官亦有太子左右司禦率府金元明皆無

左右清道率府

唐制太子左右清道率府率各一人副率各二人掌畫

夜巡警其官屬與左右衛率府同省騎曹宋亦有左右清道率府率副率太宗至道元年東宮置左清道率府率副率兼左春坊謁者主贊引真宗即位而省真宗天禧二年又以左清道率郭承慶兼左右春坊謁者仁宗即位復省遼南面官亦有太子左右清道率府金元明皆無

左右監門率府

唐制太子左右監門率府率各一人副率各二人掌儲

門禁衛長史錄事兵曹與左右衛率府同倉曹冑曹叅
軍事各一人兼領宋亦有左右監門率府率副率南渡
後以為環衛官遼南面官亦有太子左右監門率府金
亦有左右監門掌門衛禁鑰元明皆無

左右內率府

唐制太子左右內率府率各一人副率各二人掌千牛
供奉之事長史錄事兵曹與左右衛率府同倉曹冑曹
叅軍事各一人兼領宋亦有左右內率府率府率官存而

無職司遼南面官亦有太子左右內率府金元明皆無太子旅賁中郎將

唐高宗永徽三年太子名忠改諸率府中郎將為旅賁中郎將為翊軍郎太子廢復舊以後歷代皆無

太孫官屬附

唐至武后天授二年始置皇孫府官宋孝宗淳熙七年皇孫英國公始就傳詔置皇太子宮小學教授一人十二年詔建魏惠憲王府置小學教授二人以館職兼充

掌訓皇孫既長趨朝謁則不以小學名而講習如故元
世祖至元二十六年皇孫出鎮懷孟帝為選老成練達
舊臣護之乃以屬王倚陞辭帝目之良久謂侍臣曰倚
修潔人也左右皇孫得人矣及行營幕所在軍政肅然
明成祖永樂十三年為皇太孫特選幼軍置府軍前衛
設官屬指揮使五人指揮同知十人指揮僉事二十人
衛鎮撫十人經歷五人

欽定續通典卷三十四

欽定四庫全書

吏部

欽定續通典卷三十七

五至

詳校官監察御史

臣曹錫寶

洗馬

臣王坦修覆勘

校對官編修

臣

蔡廷衡

謄錄監生

臣

韓 榮

欽定四庫全書

欽定續通典卷三十五

職官

王侯總叙

封建起於黃唐郡縣創自秦漢師古者欲復封建宜今者必置郡縣唐臣杜佑作王侯總叙雖備陳其利病而終之曰莫可究詳曹固陸機著論謂必宜法古魏徵李百藥上疏又力排其議夫救分離之難莫若建諸侯削

尾大之勢莫若置守宰而今昔異時欲行古道勢莫能
遵故自唐以迄宋遼金元皆無封建至明初封皇子為
諸王置藩府於各直省雖非如三代之分茅胙土得專
生殺而護衛甲士為數甚夥其不能謹守藩條者每足
滋生民之擾是以惠帝始立方欲因事削除致有靖難
之師且成祖既併取寧藩徙之南昌傳世未幾宸濠踵
而生變徒貽國患古法之不可復泥又其明驗然五等
之號歷代不廢品秩之差前後各殊史傳所載及各朝

會典典章集禮所傳班班可考爰列叙於左

歷代王侯封爵

公主并官屬附

唐制爵九等一曰王食邑萬戶正一品二曰嗣王郡王食邑五千戶從一品三曰國公食邑三千戶從一品四曰開國郡公食邑二千戶正二品五曰開國縣公食邑千五百戶從二品六曰開國縣侯食邑千戶從三品七曰開國縣伯食邑七百戶正四品上八曰開國縣子食邑五百戶正五品上九曰開國縣男食邑三百戶從五

品上皇兄弟皇子皆封國為親王皇太子子為郡王親王之子承嫡者為嗣王諸子為郡公以恩進者封郡王襲郡王嗣王者封國公凡名山大川及畿內諸縣皆不以封至郡公有餘爵聽迴授子孫其國公皆特封凡封戶三丁以上為率歲租三之一入於朝廷食實封者得真戶分食諸州其王府傳一人諮議叅軍事一人友人侍讀無定員文宗開成元年改諸王侍讀曰奉諸王侍讀宣宗大中初復舊文學一人東西閣祭酒各一人

長史一人司馬一人掾一人屬一人主簿一人記室叅
軍事二人錄事叅軍事一人錄事一人功倉戶兵騎法
士等七曹叅軍事各一人叅軍事二人行叅軍事四人
典籤二人自典籤以上為府官郡王嗣王不置長史親
事府典軍二人副典軍二人校尉五人旅帥隊正隊副
自旅帥以下視親事多少乃置帳內府典軍二人副典軍
二人自校尉以下員品如親事府親王國令一人大農
一人尉一人

按杜佑通典作大農二
人尉二人茲據新唐志

丞一人學官長丞

各一人食官長丞各一人廐牧長丞各二人典府長丞
各二人皇姑為大長公主正一品姊為長公主女為公
主皆視一品皇太子女為郡主從一品親王女為縣主
從二品凡王公十五以上預朝集宗親女婦諸王長女
月叅凡公主邑司令一人丞一人主簿一人錄事一人
宋爵一十二等王嗣王郡王國公郡公開國公開國郡
公開國縣公開國侯開國伯開國子開國男皇子兄弟
封國謂之親王親王之子承嫡者為嗣王宗室近親承

襲特旨者封郡王遇恩及宗室祖宗後承襲及特旨者
封國公餘宗室近親並封郡公食邑沿唐制王食五千
戶郡王國公三千戶特加者無定數其開國公侯伯子
男皆隨食邑二千戶以上封公一千戶以上封侯七百
戶以上封伯五百戶以上封子三百戶以上封男分國
三等大國二十七次國二十小國百二十見任前任宰
相食邑實封共萬戶王為正一品嗣王郡王國公為從
一品開國郡公為正二品開國縣公為從二品開國侯

為從三品開國伯為正四品開國子為正五品開國男
為從五品太祖開寶六年詔晉王位望俱崇親賢莫並
宜位在宰相之上太宗太平興國八年楚王廣平郡王
出閣令宰相立親王之上真宗景德中皇姪武信軍節
度使惟吉加同平章事時駙馬都尉石保吉先為使相
史館引唐制宗室在同品官上遂升唯吉焉凡親王府
有傳長史司馬諮議參軍友記室參軍王府教授小學
教授傳及長史司馬有其官而未嘗除太平興國八年

諸王出閣楚王府置諮議參軍二人翊善一人陳王府
置諮議翊善各一人後又置記室及諸王府侍講一人
並以常參官充其後多不置諮議翊善記室或止一員
真宗大中祥符九年仁宗初封壽春郡王置友二員亦
以常參官充天禧二年進封昇王友遷諮議仍置記室
一人皇姪皇孫侍教南北伴讀無定數凡公主亦分大
長公主長公主公主郡主縣主皆不置官屬

遼之封爵唯有國王郡王國公三等率以漆水柳城混

同蘭陵國名則屢進屢改有加至二國者其初宗室與
勲戚無異道宗太康五年十一月詔唯王子封一字王
餘並削降其爵號大約採唐宋之制其王府北面官有
親王祇應司王子院有王子太師王子太保王子司徒
王子司空王子班郎君南面官王傅府有王傅

興宗重熙十五年

年蕭惟信為
燕趙王傅

親王內史府有內史

道宗太康三年
見內史吳嘉努

長史

參軍諸王文學館有諸王教授

重熙中姚景行為
燕趙國王教授

諸王

伴讀

聖宗太平八年長沙郡王
宗允等奏選諸王伴讀

金封爵正從一品曰郡王曰國公正從二品曰郡公正

從三品曰郡侯正從四品曰郡伯

舊曰縣伯章宗
永安二年更

正五

品曰縣子從五品曰縣男凡封王者食邑萬戶實封一

千戶郡王五千戶實封五百戶國公三千戶實封三百

戶郡公二千戶實封二百戶郡侯一千戶實封一百戶

郡伯七百戶縣子五百戶縣男三百戶凡封王大國之

號二十次國三十小國三十封王之郡號十封公主之

縣號三十其王府官有傅府尉長史司馬文學記室參

軍

元爵八等王正一品郡王從一品國公正二品郡公從二品郡侯正三品郡伯正四品亦有從四品縣子正五品縣男從五品其初宗室駙馬通稱諸王制度簡樸位號無稱惟視印章以為輕重後始有國邑之名其制封一字王者金印獸紐兩字王者金印螭紐次有金印駝紐金鍍銀印駝紐金鍍銀印龜紐有止用銀印龜紐各分等級有同姓無國邑而稱王者但曰宗王諸王傳官

庫春布哈太子至齊王位下凡四十五王每位下各設王傅傳尉司馬三員傳尉庫春布哈額布根鄂蘭烏克三王有之自此以下皆稱府尉別於王傅之下司馬之上而三員並設又多寡不同或少至一員或多至三員者齊王則又獨設王傅一員

明太祖洪武三年詔立長子標為皇太子封第二子椿為秦王次櫜晉王棣燕王橧吳王楨楚王椿齊王樟潭王杞趙王檀魯王姪孫守謙靖江王皆授以冊寶設置

相傳官屬及諸禮儀八年定諸王宗人祿米每歲親王五萬石靖江王二萬石郡王六千石郡王諸子年十五人賜田六十頃為永業除其租九年定王府官制又定諸王及公主歲供之等十七年更定冊寶親王俱授以金冊金寶皇太子之次嫡子及庶子年十歲皆封郡王授以塗金銀冊銀印親王嫡長子年十歲立為王世子授以塗金銀冊銀印次子及庶子年十歲皆封郡王冊印亦如之郡王次子授鎮國次孫輔國次曾孫奉國皆

將軍凡三等次元孫鎮國次五世孫輔國次六世孫奉國皆中尉凡三等其王府官屬長史司左右長史各一人其屬典簿一人審理所審理正一人副一人典膳所典膳正一人副一人奉祠所奉祠正一人副一人典樂一人典寶所典寶正一人副一人紀善所紀善二人良醫所良醫正一人副一人典儀所典儀正一人副一人伴讀四人教授無定員引禮舍人三人倉大使副使各一人郡王府教授一人典膳一人鎮國將軍教授一人

神宗萬厯間周府設宗正一人後各府亦漸置郡王府
增設教授一人凡王府護衛指揮使司設官如京衛其
王府儀衛司儀衛正一人儀衛副二人典仗六人儀衛
掌侍衛儀仗護衛掌防禦非常護衛王邸有征調則聽
命於朝凡功臣外戚封爵三等曰公侯伯皆有流有世
功臣則給鐵券歲祿以功為差已封而又有功仍爵或
進爵增祿其才而賢者則出司戎政具三都尉篇否則食祿
奉朝請而已年幼而嗣爵者咸入國子監讀書世宗嘉

靖八年定外戚封爵毋許世襲其有世襲一二代者出特恩駙馬亦有封侯者若恩親侯李貞永春侯王寧京山侯崔元以恩澤封侯非制也公主亦有大長公主長公主凡尚主者並曰駙馬都尉其尚郡主縣主郡君縣君鄉君者並曰儀賓洪武七年公主府設家令一人司丞一人錄事一人二十三年改家令司為中使司以內使為之

欽定續通典卷三十五

欽定四庫全書

欽定續通典卷三十六

職官

州郡上

司隸校尉

司隸周官唐時已無元宗開元十七年置京都兩畿按察使二十年改曰採訪處置使天寶末又兼黜陟肅宗乾元元年改曰觀察處置使掌察所部善惡即隋以前

司隸之職也

宋沿唐制亦置觀察使又置提點開封府界諸縣鎮公事掌察畿內縣鎮刑獄盜賊場務河渠之事

遼南面官中京東京上京皆有觀察使司又置採訪使

太宗會同三年命于固靈為採訪使

皆非司隸之職其五京警巡院有警

巡使警巡副使中京有巡邏使司

聖宗開泰中耶律古裕為中京巡邏使

即古司隸也

金諸京置警巡院使掌平理獄訟警巡別部總判院事

副一人掌警巡之事判官二人掌檢稽失簽判院事

元上都有警巡院達嚕噶齊警巡使各一人副使二人
判官二人屬留守司大都路兵馬都指揮使司有都指
揮使二人副指揮使五人知事一人掌京城盜賊姦偽
鞠捕之事世祖至元九年以刑部尚書一人提調司事
其屬有左右警巡二院置達嚕噶齊使各一人副使判
官各一人又置大都警巡院達嚕噶齊使各一人副使
判官二人

明有巡視五城御史又置中東西南北五城兵馬指揮司各指揮一人副指揮四人吏目一人巡捕盜賊疏理街道溝渠及巡視火禁之事其不職者巡城御史糾劾之又置巡按御史北直隸二人南直隸三人所按藩服大臣府州縣官諸考察舉劾尤專大事奏裁小事立斷與漢司隸唐京畿採訪使職位皆同

州牧刺史

州牧刺史漢以後皆為監郡大臣或統領軍事其職在

按治所部官吏權位綦重唐高祖武德以後罷郡置州
改太守為刺史官名雖存職非其舊故唐之採訪處置
使理於所部之大郡天寶末兼理黜陟即古之州牧刺
史也互見司隸校尉乾元元年改曰觀察處置使其東都西都
北都置牧各一人掌宣德化歲巡屬員觀風俗錄囚恤
鰥寡

宋開封府河南應天府皆置牧次府亦置牧而觀察使
及諸州刺史皆無定員又置提點刑獄公事掌察所部

獄訟兼舉刺官吏之事

遼南面方州官無牧有某州刺史

金諸州置刺史一人其刺史紀綱一州之衆務其上京
東京等處置按察司糾察貪官污吏豪猾之人並勸農
桑職與唐之採訪處置使同

元至元三年定一萬五千戶之上者為上州六千戶之
上為中州六千戶之下為下州二十年既平宋又定其
地五萬戶之上者為上州三萬戶之上者為中州不及

三萬戶者為下州每州置達魯噶齊無刺史其江南諸道行御史臺陝西諸道行御史臺及各道肅政廉訪司職掌監臨諸省統制各道憲司

詳載御史臺門內

亦唐採訪使之遺制也

明州次於府凡州有二屬州則隸於府直隸州則視府而秩次於府無刺史之官設總督巡撫提督經略贊理巡視撫治於各省加都御史或副僉都御史銜

詳載御史臺

贊軍務理糧儲巡視所部舉劾其所屬官吏位崇於唐

之採訪使職亞於古之持節刺史焉

總論州佐

別駕 治中 主簿 功曹 書佐 部
郡國從事 典郡書佐 祭酒從事

中正

漢時分天下為十二州州刺史之佐有別駕治中主簿
功曹書佐部郡國從事史典郡書佐祭酒從事等官其
中正一官始於陳勝為楚王時而晉以後廢置不一歷
代互相因襲雖小更變而大抵不異至隋以州為郡無
復軍府州府之吏變為郡官自後皆然故州佐之官別

載於郡丞篇今舉官之擬於州刺史者臚列其佐職於左

唐十五道觀察使有副使支使判官掌書記推官巡官衙推隨軍要籍進奏官各一人

金按察使有副使簽事判官知事知法等官

元行御史臺有經歷都事照磨架閣庫管勾承發管勾兼獄丞等官其肅政廉訪司有經歷知事照磨兼管勾等官

都督

總管節度團練都統等使附

唐制大都督府都督一人長史一人司馬二人錄事參軍事一人錄事二人功曹參軍事倉曹參軍事戶曹參軍事田曹參軍事兵曹參軍事法曹參軍事士曹參軍事各一人參軍事五人市令一人文學一人醫學博士一人中都督府都督一人別駕一人長史一人司馬一人錄事參軍事一人錄事二人功曹參軍事倉曹參軍事戶曹參軍事田曹參軍事兵曹參軍事法曹參軍事

士曹參軍事各一人參軍事四人市令一人文學一人
醫學博士一人下都督府都督一人別駕一人長史一
人司馬一人錄事參軍事一人錄事二人功曹參軍事
倉曹參軍事戶曹參軍事田曹參軍事兵曹參軍事法
曹參軍事士曹參軍事各一人參軍事三人文學一人
醫學博士一人都督掌督諸州兵馬甲械城隍鎮戍糧
廩總判府事唐初曰總管後改為都督惟朔方仍稱大
總管宋大都督府有都督長史左右司馬錄事參軍司

戶司法司士司理文學參軍助教大都督及長史掌司
牧尹與唐制畧相似南渡後以見任宰相充都督次有
同都督有督視軍馬多執政為之雖名稱略同然掌總
諸路軍馬督護諸將非舊制比也高宗紹興二年呂頤
浩以左僕射出都督江淮兩浙荆湖諸軍事置司鎮江
其後趙鼎張浚湯思退皆以宰相兼之頤浩還朝孟庾
始以參知政事為權同都督代後落權字趙鼎先以知
樞密院事為都督川陝荆襄諸軍事其後與浚並相並

帶兼都督諸路軍馬入銜未幾浚獨被旨江上視師置
都督行府行移文字並依三省體式其召赴行在以其
事分隸三省樞密院思退初以左相出都督時楊存中
即以太傅寧遠軍節度使同都督思退不行即以楊存
中充都督非宰執而為都督自存中始後葉義問以知
樞密院事督視江淮荆襄軍馬汪徹以參知政事湖北
京西路都督視軍馬執政為督視於是見焉王之望辭
同都督有曰朝廷於兩淮前以二大將為招撫使後以

二從臣為宣諭使憂其不相統攝則以宰相為都督欲
事權歸一也此可見朝廷開府之意凡簽廳文字並依
尚書左右司樞密院檢詳房體式設屬諮議軍事叅謀
參議並以從官充書寫機宜文字幹辦官準備差遣前
後員數不一至開禧用兵或以簽樞督視或以元樞代
之或以叅知政事督視四川軍馬然皆未有底績而罷
又府州軍監有兼都總管者太原府延安府慶州渭州
熙州秦州則兼經略安撫使馬步軍都總管定州真定

府瀛州大名府京兆府則兼安撫使馬步軍都總管蓋
宋制以文武官叅為知州軍事各相鈐制軍監則如是
銜非唐之總管也遼會同二年置遼陽大都督府以都
督和勒博等闕防遼陽東都為南面官其總管北面官
則有南京都總管府興宗重熙四年改為都元帥府又
置南京兵馬都總管府有兵馬都總管有總領南面邊
事有總領南面軍務事有總領南面戍兵等官其南面
官則五京皆有都總管府又有諸軍兵馬都總管府兵

馬都總管兵馬副總管又有兵馬都總管府歸聖軍兵

馬都總管府五州都總管府

穆宗應歷初耶律蘇色為義霸祥順聖五州都總管

山後五州都管司

聖宗統和四年普努寧為山後五州都管

金海陵正隆六

年置左右領軍大都督府三十二總管有神策神威神

捷神銳神毅神翼神勇神果神略神鋒武勝武定武威

武安武捷武平武成武毅武銳武揚武翼武震威定威

信威勝威捷威烈威毅威震威略威果威勇之號其諸

總管府皆載入郡太守篇元文宗天歷二年立欽察親

軍都督府後改為大都督府置大都督三人同知二人
副都督三人僉事都督二人經歷二人都事二人管勾
一人照磨一人其屬有左右欽察衛龍翊衛哈喇婁萬
戶府

官屬詳載司農
卿諸屯監中

其總管府則有管領齊哩克昆諸

色民匠都總管府達魯噶齊一人總管同知各一人副
總管二人經歷知事提控案牘照磨管勾各一人隨路
諸色人匠都總管府達魯噶齊一人總管二人同知一
人副總管二人經歷知事照磨提控案牘各一人管領

大都等路打捕鷹房膳粉人戶總管府達魯噶齊總管
首領官各一人管領本投下大都等路齊哩克昆民匠
總管府達魯噶齊總管同知副總管各一人管領諸路
齊哩克昆民匠都總管府達魯噶齊總管各一人同知
副總管各二人經歷知事提控案牘兼照磨各一人汴
梁等路管民總管府達魯噶齊總管同知府判各一人
經歷知事提控案牘各一人江淮等處財賦都總管府
達魯噶齊總管同知各一人副總管二人經歷知事照

磨兼提控案牘各一人隨路諸色民匠打捕鷹房都總
管府達嚕噶齊二人都總管同知各一人副總管二人
經歷知事提控案牘各一人管領保定等路阿哈探馬
兒諸色人匠總管府達嚕噶齊總管同知副總管各一
人知事一人管領打捕鷹房民匠達嚕噶齊總管府達
嚕噶齊總管同知副總管知事各一人管領隨路諸色
民匠打捕鷹房等戶總管府達嚕噶齊總管同知副總
管知事各一人管領隨路打捕鷹房諸色匠齊哩克昆

總管府達嚕噶齊總管同知副總管各一人經歷知事
提控案牘兼照磨各一人隨路打捕鷹房諸色民匠總
管府達嚕噶齊總管同知副總管知事各一人尚供總
管府達嚕噶齊總管同知副總管判官一人經歷知事
提控案牘各一人雲需總管府達嚕噶齊總管同知副
總管判官各一人經歷知事提控案牘各一人大都路
管領諸路打捕鷹房總管府達嚕噶齊總管副達嚕噶
齊同知副總管各一人經歷知事各一人昭功萬戶府

屬管領諸路打捕鷹房納綿等戶總管府達嚕噶齊都
總管同知治中府判各一人經歷知事提控案牘各一
人諸府所掌率皆帝后諸王鄂爾多位下事務及管領
造作採捕諸色人匠或各屯佃戶不治兵馬與前代制
度稍異其諸路總管府別載於郡太守篇明中軍左軍
右軍前軍後軍五都督府互見武官
上中篇每府有左右都督
都督同知都督僉事其屬有經歷都事都督掌軍旅之
事各領其都司衛所以達於兵部不開府辟屬於外省

非唐宋時之都督也亦無總管

節度使始於唐有節度使副大使知節度事行軍司馬
副使判官支使掌書記推官巡官衙推各一人同節度
副使十人館驛巡官四人府院法直官要籍逐要親事
各一人隨軍四人節度使封郡王則有奏記一人兼觀
察使又有判官支使推官巡官衙推各一人又兼安撫
使則有副使判官各一人兼支度營田招討經略使則
有副使判官各一人支度使復有遣運判官巡官各一

人節度使掌總軍旅顯誅殺初授具帑抹兵仗詣兵部
辭見賜雙旌雙節宋初節度使無職掌無定員思數與
執政同以待宗室近屬外戚國壻年勞久次者又遵唐
制以節度使兼中書令侍中中書門下平章事皆謂之
使相以待勲賢故老及宰相久次罷政者隨其舊職或
檢校官加節度使出判大藩通謂之使相徽宗宣和末
節度使五六十人議者以為濫南渡後諸將有兼兩鎮
三鎮者實為希濶之典其後相承宰執從官及后妃之

族拜者不一遼北面官其大郡族有某部節度使副使判官其屬國亦有某國某部節度使副使聖宗統和二十八年專置準布國扎拉部諸部別部節度使司南面官上京道懷州等十二軍東京道開州等二十一軍中京道成州等七軍南京道幽州等二軍西京道雲中等六軍皆置節度使副使同知節度使事其屬有行軍司馬軍事判官掌書記衙官金諸節鎮節度使一人掌鎮撫諸軍防刺總判本鎮兵馬之事元明皆無

團練使唐肅宗乾元元年置有團練使副使判官推官
巡官衙推各一人團練使以安民為上考懲姦為中考
得情為下考宋團練使無定員遼各州皆置團練使副
使判官又置諸軍都團練使司團練使副使判官漢軍
都團練使司金不設元順帝至正十八年置奉元延安
等處團練安撫勸農使司於耀州鞏昌等處團練安撫
勸農使司於邠州以行省丞相托多行臺大夫鄂勒哲
特穆爾領之各設叅謀一人每道置使二人同知副使

各二人檢督六人經歷知事照磨各二人明無

都統置於唐天寶之末代宗大歷八年罷宣宗大中後以康承訓討徐州以王鐸討黃巢皆為都統宋有諸軍都統制副都統制統制統領舊制出師征討諸將不相統一則拔一人為都統制以總之未為官稱也高宗建炎初置御營司擢王淵為都統制名官自此始其後神武五軍及川陝宣撫使都督府樞密院皆置遼北面官北大王院有北院都統軍司南大王院有南院都統軍

司北面邊防官有東京都統軍使司保州都統軍司東

北路都統軍使司

道宗大安六年
置有掌法官

南京都統軍司東路

都統軍使司西南面都統軍司山西兵馬都統軍司又

北面行軍官有行軍都統所

有行軍都統
行軍副都統

先鋒都統所

左右翼及中軍都統所御營都統所河南道北道東北

面西北面西南面各有行軍都統所金正隆六年立三

道都統制府元明皆無

都護

唐制大都護府大都護一人副大都護二人副都護二人長史司馬錄事參軍事各一人錄事二人功倉戶兵法各曹參軍事各一人參軍事三人宋遼金皆不設元置都護府官屬職掌詳諸卿大理寺明不設唯世宗幸承天以郭勲為都護大將軍

欽定續通典卷三十六

欽定四庫全書

欽定續通典卷三十七

職官

州郡下

京尹

京兆尹
守附

左馮翊

右扶風

河南尹

留

唐制西都東都北都各置牧一人尹一人通判府務牧

缺則尹行其事

其鳳翔成都河中江陵興元興德府亦各置尹一人

掌宣德化歲

巡屬縣觀風俗錄囚恤鰥寡親王典州則歲以上佐巡

縣少尹二人掌貳府州之事歲終則更次入計其屬司
錄參軍事二人錄事四人功曹倉曹戶曹田曹兵曹法
曹士曹參軍事各二人參軍事六人文學一人醫學博
士一人宋開封府牧尹不常置權知府一人以待制以
上充掌尹正畿甸之事以教法導民而勸課之中都獄
訟皆受而聽焉小事則專決大事則稟奏其屬有判官
推官四人日視推鞠分事以治而佐其長領南司者一
人督察使院非刑獄訟訴則主行以司錄參軍一人折

戶婚之訟而通書六曹之案牒功曹倉曹戶曹兵曹法

曹士曹參軍各一人視其官曹分職泣事左右軍巡使

判官各二人分掌京城爭鬪及推鞠之事左右廂公事

幹當官四人掌檢覆推問

開封典司轅下自太祖建隆以來為要劇之任至神宗熙

寧間增給吏祿禁其受賕省衙前役以寬民力釐折獄訟歸於廂官而治事視前日省去十四哲宗元祐元年

詔府界捕盜官吏隸本府與都大提舉司同管轄而掌其賞罰置新城內左右二廂三年以罷大理寺獄置軍

巡院判官一人四年罷新置二廂六年王巖叟言左右廳推官公事詞狀初無通治明文請事繁朝省及奏請

通治外餘並據號分治紹聖六年知府事錢總言自祖宗以來並分左右廳置推官各一人近年止除推官一

人元祐中並令分治請依故事分左右廳各除推官一人作兩廳共治職事又言熙寧中置舊城左右廂元豐初增置於新城內四年罷增置兩廂請復置從之尋又詔開封府所薦推官並召對取旨徽宗崇寧三年蔡京奏乞罷權知府置牧一人尹一人少尹二人分左右二府之政治牧以皇子領之尹以文臣充在六曹尚書之下侍郎之上少尹在左右司郎官之下列曹郎官之上以士戶儀兵刑工為六曹次序司錄二人六曹各二人參軍事八人易胥吏之稱略依唐六典制度又請移開封府治所於舊尚書省從之五年詔開封府屬官並依舊員額大觀元年李孝壽乞增置府學博士一人從之二年詔皇予領牧祿令如執政官又仁宗慶厯中賈昌朝言漢唐都雍置三輔內翼京師朝廷都汴而近今諸郡皆屬他道制度不稱王畿請析京東之曹州京西陳許滑鄭皆隸開封府以四

高宗建炎三年詔改杭州為

十二縣為東畿帝從之

臨安府其守臣帶安撫使置知府通判簽書節度判官
廳公事節度推官觀察推官觀察判官錄事叅軍左右
司理叅軍司戶叅軍司法叅軍各一人本府掌畿甸之
事籍其戶口均其賦役頒其禁令城內外分左右南北
廂各置廂官以聽民之訟訴孝宗乾道七年皇太子領
尹事廢臨安府通判簽判職官置少尹一人日受民詞
以白太子間日率僚屬詣宮稟事置判官二人推官三
人九年皇太子解尹事臨安府知通簽判推判官依舊

置

孝宗時張杓以直徽猷閣改知臨安府都城浩穰姦盜聚隱杓盡分地以警捕夜戶不閉光宗時再為府

尹內侍毛伯益冒西河茭地為亭外戚有殺其僕者獄具黃緣宣諭求免杓執奏論如律孝宗觀湖杓以彈壓

伏謁道左孝宗止輦問勞賜以酒炙杓天分高爽吏材敏給所至以治辦稱南渡以來論尹京者以杓為首

遼南面官五京留守司兼府尹

聖宗統和元年見上京留守行臨潢尹事吳王

稍

又有某府少尹

太平四年見臨潢少尹鄭宏節

金大興府尹一人掌

宣風導俗肅清所部總判府事兼領本路兵馬都總管

府事置同知少尹總管判官府判各一人推官二人

世宗

大定初唐古安禮為大興尹上曰京師好訛言府中姦吏為民患卿雖年少有治才去其宿弊毋為因仍又章

宗時承暉知大興府事豪民與人爭種稻水利不直厚
賂元妃兄左宣徽使李仁惠仁惠使人屬承暉右之承
暉即杖豪民而遣之曰可以此報宣徽矣又宣宗貞祐
時胥鼎知大興府以在京貧民缺食者衆宜立法賑救
乃奏曰京師官民有能贍給貧人者宜計所贍遷官陞
職以勸獎之遂定權宜鬻恩例格入粟草各有數全活

甚衆元大都路都總管府達魯噶齊二人都總管一人副

達魯噶齊二人同知二人治中二人判官二人推官二

人經歷二人知事二人提控案牘四人照磨兼管勾一

人國初為燕京路總管大興府世祖中統五年稱中都
路至元九年改號大都二十一年始置大都路總管府

置都達魯噶齊都總管等官二十七年改為都總管府

領府一州十有一凡本府官吏唯達魯噶齊一人及總

管推官專治路政其餘皆分任供需之事故又號曰供

需府焉

成宗大德中姚天福拜大都路總管兼大興府尹畿甸大治後之尹京者以天福為稱首明

順天府尹一人府丞一人治中一人通判六人推官一

人儒學教授訓導各一人經歷知事照磨檢校各一人

府尹掌京府之政令宣化和人勸農問俗均貢賦節征

徭謹祭祀閱實戶口糾治豪強隱恤窮困疏理獄訟務

知百姓之疾苦天子耕藉行三推禮則奉青箱播種於後府丞為之貳兼理學校治中參理府事以佐尹丞通判分理糧儲馬政軍匠薪炭河渠堤涂之事推官理刑

名察屬吏

順天府即舊北平府太祖洪武二年置北平行省九年改為北平布政司皆以北平為會

府成祖永樂初改為順天府十年陞為府尹設官如應天府王賢為順天府尹嘗以柴炭為民病言於大司空石璞曰京民勞疲極矣今採運夫役與真保諸郡等無乃不可乎石默然為減之又惜薪中貴縱其下非法凌府屬叱跪於庭賢聞趨至欲縛其人以聞主者固謝乃已景帝景泰間再疏乞休上曰卿年七十禮當致仕然京畿冗繁非爾不治英宗復辟之初顧謂近臣曰府尹如賢者何可得哉

南京應天府府

尹一人府丞一人治中一人通判二人推官一人經歷

知事照磨檢校各一人儒學教授一人訓導六人

自洪武三

年改應天府知府為府尹扶正三品賜銀印

左馮翊右扶風漢時之官職同京兆漢以後皆不置

河南尹唐自元宗開元元年改京兆河南府長史復為

尹通判府務牧缺則行其事十一年太原府亦置尹及

少尹

互載前京兆尹篇內

宋河南應天府亦有牧尹少尹其屬官

大略與開封府同

留守唐自太宗伐高麗置京城留守其後車駕不在京
都則置留守以右金吾大將軍為副留守開元以後以
三都尹為留守少尹為副留守謂之三都留守宋天子
巡守親征則命親主或大臣總留守事建隆元年親征
澤潞以樞密使吳廷祚為東京留守其西南北京留守
各一人以知府兼之西京河南南京
應天北京大名留守掌宮鑰及京
城脩葺彈壓之事畿內錢穀兵民之政皆屬焉南渡初
其東京北京並置留守以開封大名知府兼又以掌兵

官為副留守其後河南已復南京西京置留守紹興四

年高宗將親征以參知政事孟庾為行宮留守遼南面

官五京留守司皆兼府尹

互見京兆尹篇中

其某京皆有留守

副留守知某京留守事

聖宗開泰二年蕭惠知東京留守事

同知某京留

守事同簽某京留守事

太平四年耶律頁為中京同知六年蕭迪里同簽南京留守事

某京留守判官

世宗天祿中室昉為南京留守判官

某京留守推官

開泰元年

見中京留守推官李可舉

金車駕巡幸則大興府置留守同知少尹

判官等官其諸京留守司留守一人帶本府尹兼本路

兵馬都總管同知留守事一人帶同知本府尹兼本路
兵馬都總管副留守一人帶本府少尹兼本路兵馬副
都總管留守判官一人都總管判官一人推官一人元
大都留守司留守五人同知二人副留守二人判官二
人掌守衛宮闕都城調度本路供億諸務兼理營繕內
府諸邸諸宮原廟上方車服殿廡供帳內苑花木及行
幸湯沐宴游之所門禁關鑰啟閉之事其上都留守司
兼本路都總管府品秩職掌如大都留守司而兼治民

事車駕還大都則領上都諸倉庫之事置留守六人同知二人副留守二人判官二人國初置開平府中統四年改上都路總管府至元三年又給留守司印十九年併為上都留守司至明則巡狩親征皆命東宮監國以大臣為留守故留守亦不常置非如前代以京尹充居留之職也其所置留守司正留守一人副留守一人指揮同知二人專掌中都興都守禦防護之事洪武二年詔以臨濠為中都置留守衛指揮使司隸鳳陽行都督

府十四年始置中都留守司統鳳陽等八衛防護皇陵
設留守一人左右副留守各一人世宗嘉靖十八年改
荊州左衛為顯陵衛置興都留守司統顯陵承天二衛
防護顯陵設官如中都焉

郡太守

唐自天寶以後改州為郡刺史為太守肅宗至德二載
十二月敕近日所改百司額及郡名官名一切依故事
罷郡為州改太守為刺史上州中州下州各置一人品

秩有差

戶四萬以上為上州秩從三品戶二萬五千以

正四品下憲宗元和中陸亘為兗州守對延英具陳節
度使分兵屯屬州刺史不能制故易亂帝因詔屯士得
隸刺史又白居易遷杭州始築堤捍錢塘潮衝洩其水
溉田千頃復浚李泌六井民賴以汲又崔郾守鄂州治
尚撫綏經月不咎一人及鎮郢則用法嚴峻一毫不貸
又薛珏入為司農卿時詔舉堪任刺史縣令者且百人
延問民間疾苦屬吏得失取尤通達者什二宰相欲校
以文辭珏曰求良吏不可責以文學宜以上愛人之本
為心也宰相多其計所用皆稱職又李吉甫為相建言
州刺史不得擅見本道使罷諸道歲終巡勾以絕苛斂
吉甫連蹇外遷十餘年究知閭里疾苦常病方鎮強恣
至是為帝從容言使屬郡刺史自為政則風化可成帝
然之出即吏十餘人為刺史又元和三年詔刺史於宣
政門謝訖遣之任舊制凡命都督刺史皆臨軒冊命後

雖無冊命而牧守覆命便殿召對賜衣服時河南尹宋
裴復求速之任李吉甫為奏請遂有是命非舊制也

初革五季之患召諸鎮節度會於京師賜第以留之分

命朝臣出守列郡號權知軍州事

軍謂兵州謂民政

其後文武

官參為知州軍事其二品以上及帶中書樞密院宣徽

使職事稱判某府州軍監諸府置知府事一人州軍監

亦如之掌總理郡政宣布條教導民以善而糾其姦慝

歲時勸課農桑旌別孝弟其賦役錢穀獄訟之事兵民

之政皆總焉

其河南應天大名府則兼留守司公事太原延安府慶渭熙泰各州則兼經略安撫

使馬步軍都總管定州真定府瀛州大名府京兆府則兼安撫使馬步軍都總管瀘潭廣桂雄各州則兼安撫使兵馬鈐轄潁昌府青鄆許鄧各州則兼安撫使兵馬巡檢其餘大藩府或沿邊州郡或當一道衝要者並帶兵馬鈐轄巡檢或帶沿邊安撫提轄兵甲沿邊溪洞都巡檢餘州軍則別其地望之高下與職務之繁簡而置之分曹以理之而總其綱

高宗建炎初詔河北京東西

要凡屬縣之事皆統焉

路除帥司外舊差文臣知州去處許通差武臣一次又要郡文臣一員帶本路兵馬都監武臣一員充副鈐轄次要郡文臣一員帶本路兵馬都監武臣一員充副都監紹興三年詔守臣罷帶路分鈐轄都監後帝又以守

令皆帶勸農公事多不奉職自今有治效顯著者可令
中書省籍記姓名特加擢用初除授見闕及自外罷任
赴闕並令引見上殿孝宗乾道二年令非曾任守臣不
得為郎定諸郡合文武臣通差去處並依舊制

張詠知益州時

李順搆亂王繼恩上官正總兵攻討援師不進詠以言
激正勉其親行仍盛為供帳餞之酒酣舉爵屬軍校曰
汝曹蒙國厚恩無以塞責此行當直抵寇壘平蕩醜類
若老師曠日即此地為爾死所矣正由是決行深入克
捷又劉敞徙知鄆州鄆比易守政不治市邑攘奪公行
敕決獄訟明賞罰境內肅然有客行壽張道中遺一囊
錢人莫敢取以告里長里長為守視客還取得之又
有暮遺物市中者旦往訪之猶在又蔡襄以樞密直學士

知福州郡士周希孟陳列陳襄鄭穆以行義著襄備禮
招延訓諸生經學知泉州距州二十里萬安渡絕海而
濟往來畏其險襄立石為梁其長三百六十丈民至今
賴之又王大寶知連州代還言連英循惠新恩六州居
民纔數百非愁遷之地月輪免行錢宜蠲減高宗詔大
臣曰守臣上殿令陳民事遂得知田里疾苦所陳五六
得一可行其利亦不細矣又馬亮以工部侍郎徙知杭
州先是江濤大溢調兵築堤而工未就詔問所以捍江
之策亮哀詔禱伍員祠下明日潮為之却出橫沙數里
堤遂成又趙抃加龍圖閣直學士出為外守為政善因
俗施設猛寬不同於成都尤為世所稱道神宗每詔郡
守必以抃為言又种世衡知環州番部有牛家族努額
者素倔彊未嘗出謁郡守聞世衡至遽郊迎世衡與約
明日當至其帳往勞部落是夕大雪深三尺左右曰地
險不可往世衡曰吾方結諸羌以信不可失期遂緣險
而進努額方卧帳中謂世衡必不能進世衡蹙而起之

勞顧大驚曰前此未有官至吾部者公乃不疑我耶率其族羅拜聽命其後百餘帳皆自歸莫敢貳又真德秀進歲猷閣待制復知泉州迎者塞路深邨百歲老人亦扶杖而出城中歡聲動地德秀泣任以後凡決訟自卯至申未已或勸其耆養精神德秀曰無力惠民唯有政平訟理自當勉耳又蔣元振知廉州清苦勵節家屬悉寄住潭州在任啜粥飲水自奉甚薄為政簡易民甚愛之又王十朋守泉州初至任會七邑宰勸酒歷告以愛民之意出詩示之曰九重天子愛民深令尹宜懷惻隱心今日黃堂一杯酒使君端為庶民斟又陸九淵知荆門軍其境內官吏之貪廉民俗之習尚善惡皆素知之郡以為神逾年政行令脩民俗為變諸司交薦丞相周必大嘗稱荆門之政以為躬行之效焉又陳希亮代還執政以為大理少卿希亮願得一郡以自效乃以知宿州州跨汴為橋水與橋爭常壞舟希亮始作飛橋無柱以便往來詔賜縑以褒之仍下其法自畿甸以至泗州皆

為飛橋又神宗召趙抃知諫院帝曰聞卿匹馬入蜀以一琴一鶴自隨為政簡易亦如是乎又歐陽修在滁州自號醉翁晚更號六一居士凡歷數郡不見治迹不求聲譽寬簡而不擾故所至民便之或問為政寬簡而不弛廢何也曰以縱為寬以略為簡則政事弛廢而民受其弊吾所謂寬者不為苛急簡者不為煩碎耳又曾鞏為知州務去民疾苦急奸盜而寬貧弱曰為害者不去則吾民不寧齊俗悍強喜攻劫至是豪宗大姓斂手不敢動寇攘屏迹州即肅清又孫甫知鄧州有惠政慶歷中范仲淹洎甫相繼守郡皆號良吏

遼南面

官黃龍府有知黃龍府事

興宗重熙十三年見知黃龍府事耶律烏魯斯

興中

府有知興中府事

道宗咸雍元年有知興中府事楊績

其某州亦有州刺

史

蕭文知易州兼西南安撫使高陽土沃民富吏其邑者每贖於貨民甚苦之文至悉去舊弊務農桑崇禮

教民皆化之時大旱百姓憂甚文禱之輒雨屬縣又蝗反躬自責蝗盡飛去遺者亦不食苗散在草莽為烏鵲所食靈雨不止復金諸總管府則府尹兼領都總管其禱而霽是歲大熟

諸府

非總管府

則置尹一人諸防禦州則置防禦使一人諸

州則置州刺史一人其掌皆同府尹

翟永固以尚書左丞罷為真定尹尚

書省奏固自執政出為尹其繼蓋當用何制度上曰用執政制度遂著為令

元至元初置諸

路總管府二十年定十萬戶之上者為上路十萬戶之

下者為下路當衝要者雖不及十萬戶亦為上路置達

魯噶齊一人總管一人兼管勸農事江北則兼諸軍鄂

囉秩各有差

上路達嚕噶齊總管皆正三品下路皆從三品

其散府

秩正四品則置

達嚕噶齊一人知府或府尹一人領勸農鄂囉其諸州

亦有達嚕噶齊州尹

順帝至正時朝廷慎選守令參知政事魏中立言於帝當今欲得賢

守無如韓鏞者乃特署鏞名授饒州路總管饒俗尚鬼有覺山廟者自昔為妖以禍福人為盜賊者事之尤至

將為必卜之鏞至即撤其祠宇沈土偶人於江人初大駭已而歎服又董文用出為衛輝路總管十六年受代

歸里茅茨數椽僅蔽風雨讀書明改諸路為府每府置賦詩怡然燕居人皆服其廉潔

知府一人

自宣宗宣德以後統計天下府凡一百五十有九

掌一府之政宣風

化平獄訟均賦役以教養百姓每三歲察屬吏之賢否

上下其考以達於省上吏部凡朝賀弔祭視布政司直

隸府則專達

宣德初以雄劇十郡慎選良牧尚書胡濙舉况鍾典蘇郡請賜敕以行鍾始以吏起

家洞灼郡弊泣任後吏胥抱贖請署欲以嘗鍾鍾默然若無能為者既三日復請署鍾乃歷舉前牒中之故為出入隱竄顛倒者立撲殺之僚屬震慄因并舉僚屬之貪虐庸懦者立黜之置善惡二簿察民善惡籍其名以示勸懲民咸感化凡奏減正賦田糧及停徵湔沒舊欠糧草共數百萬辨明誣入軍籍者千八百餘家蘇人語減三分糧當一代軍民到於今受其賜迷職日上錫宴賜詩英宗正統五年九載滿去郡民赴闕乞留者百萬餘人遂再遣還任終於官又何文淵為温州守入為少司寇特薦侍御劉謙代己治郡九年善政甚多嘗語人曰守與令雖官階不同皆職民牧赫赫為威民不近也察察為明民罔容也平易近民守令之道也人以為名

言又郁山為温州守時元輔張孚敬雖歸上眷猶厚部
使以下望風爭趨山獨處之以禮孚敬建寶綸樓大治
第宅又廣求基地強買不休山自往止之曰夫居第當
遺之子孫公今移易幾何家匝垣已里餘矣而意猶未
足殆非所以善後計也且公居朝嘗喜稱伊傳周召之
為相奈何所以處家者顧出蕭何李沆下哉張怒作色
山不顧而出自後地不再廣其直隸州各州置知州一人
縣視府其品秩雖與散州同而職實知府也計天下州凡
二百三十有四

總論郡佐

郡丞司功司倉司戶司馬司兵錄事參

法司士參軍事經學博士醫博士中正通守五官掾督郵

郡尉

唐制諸州郡有別駕長史錄事參軍事司功司倉司戶
司田司兵司法司士各參軍事市令丞文學醫學博士
等官其上州中州下州皆同宋諸州郡有通判及幕職
官諸曹官教授等官太祖建隆四年詔知府公事並須
長史通判簽議連書方許行下其諸曹官與唐制略同
遼南面官黃龍府興中府皆有同知判官博士助教等
官金諸總管府諸府諸州皆有同知判官推官等官元
諸路諸府諸州皆有同知治中判官推官等官明各府

皆有同知通判推官各直隸州皆有同知判官皆無定員視其事之煩簡以為差

郡丞唐不置有別駕長史元宗天寶以後諸郡皆廢別駕下郡置長史一人肅宗上元二年諸州復置別駕德宗時復省元和長慶之際兩河用兵裨將有功者補東宮王府官久次當進及受代居京師者常數十人訴宰相以求官文宗時宰臣韋處厚建議復置兩輔六雄十望十繫州別駕宋諸州皆置通判

卞袞通判宣州太宗淳化間上命采庶僚

之廉幹者給御書印紙課最仍賜實俸以旌異之哀與
焉又李肅之通判澶州時北使將過郡而樓堞壞圯肅
之謂郡守曰吾州為景德破敵之地當示雄強今保障
若是且奈何遂鳩工構城屋凡千區規制一新人皆服
其幹濟又王十朋擢紹興府簽判既至咸以書生易之
十朋裁決如神吏姦不行又陳堯佐通判湖州修孔子
廟作韓吏部祠以風示潮人又周敦頤為合州判官事
不經手吏不敢決雖下之民亦不肯從又張忠恕通判
杭州能撥煩理劇
拳拳以體國為心 大郡置二人餘置一人貳郡政凡兵

民錢穀戶口賦役獄訟聽斷之事可否裁決與守臣通
簽書施行所部官有善否及職事修廢得刺舉以聞南
渡後設官如舊入則貳政出則按縣既而諸州通判有

兩員處減一人凡軍監之小者不置遼南面官黃龍府
興中府皆有同知判官金諸總管府皆有同知都總管
掌通判府事兵馬副都總管所掌與同知同總管判官
掌紀綱總府衆務府判與總管判官同又有推官其職
掌亦同諸府亦有府判推官掌紀綱衆務諸州有同知
通判州事有判官簽判防刺州事元諸路總管府有同
知治中判官各一人推官二人專治刑獄諸散府有同
知判官推官各一人諸州亦有同知判官明知府亦有

同知

景泰間彭鏡初遷大理同知所隸多土官舊俗謂見有儀蔭襲有饋鏡初一切峻却之滇民尚鬼鏡

初所至必毀淫祠海上有獵神頗著靈異鏡初奉上臺命竟往毀之方航海浪高於屋從者膽落獨無所怖已

至風止水靜卒毀而還又施奎調南安同知刑威通判不用專尚德化不踰年人吏洽和民悲感其德惠

宣德間戴浩為東昌通判兼徵租陶河之役九載秩滿民歌曰戴別駕公實為我懷廉慎忘躬能使年豐又譚

讓改衢州通判政務尚嚴厲夜有人書屏壁者曰虎豹在山雷行於天人宜自度不可犯譚譚顧視笑曰為政

不能使民無犯而使不可犯耶更治簡緩民愈稱順又劉容通判黃州單車赴任布袍蔬食不殊寒士風廉平

之譽孚於上下點分掌清軍巡捕管糧治農水利屯田

牧馬等事無常職各府所掌不同延安延綏同知又兼

牧民其邊府同知有增至六七員者洪武三年設各府推官理刑名贊計典其各直隸州亦有同知判官

司馬唐置一人宋遼金元明皆無

錄事參軍唐置一人宋制錄事參軍掌州院庶務糾諸曹稽違宋以後皆不置

司功參軍唐上州中州置一人下州不置宋遼金元明皆無

司倉參軍唐置一人宋有戶曹參軍掌戶籍賦稅倉庫

受納即唐之司倉參軍也金諸府以府判分判吏戶禮
案事元明皆以同知通判分掌其事

司戶參軍唐上州置二人中州下州各置一人宋遼金
元明皆無

司兵參軍唐上州中州置一人下州不置宋遼皆無金
諸總管府以總管判官分判兵案事諸府以推官判兵
刑工案事元明皆無

司法參軍唐上州置二人中州下州各置一人宋亦有

之掌議法斷刑又置司理參軍掌獄訟勘鞫之事明以推官理之

司士參軍唐上州中州置一人下州不置唐以後歷代皆無

參軍事唐上州置四人中州下州遞減一人唐以後皆無

經學博士唐置一人宋仁宗景祐四年詔藩鎮始立學他州勿聽慶厯四年詔諸路州軍監各令立學置教授

以經術行義訓導諸生而掌其課試之事

胡瑗教授蘇湖間弟子以

千計時尚詞賦獨湖學以經義及時務故有經義齋治

事齋經義齋者

擇疏通有器局者居之治事齋者人各

治一事又兼一事如邊防水利之類故天下謂湖學多

秀彥其出而莖仕

往往取高第及為政多適於用又胡

安國除荆南教授正身律物凡所訓說務明忠孝之大

端又廖德明為

潯州教授為學者講明心性之要手植

三栢於學潯士愛敬之如甘棠

遼南面官黃龍府興中府皆有博士助

教等官金諸府皆有教授元諸總管府諸府諸州有儒

學教授學正學錄等官又有蒙古學教授明諸府有教

授一人訓導四人

胡儼為華亭教諭時年尚少能抗師道訓勵諸生敦行檢講說經史寒暑

不輟又魏驥為松江府學訓導汲汲成就人士諸生讀書學宮或親往勞問諸生益感激自奮滿九載諸生楊珙等詣諸州學正一人訓導三人學正掌教誨所屬生闕乞留諸州學正一人訓導三人學正掌教誨所屬生員訓導佐之

醫學博士唐置一人宋遼金皆不置元諸路總管府有醫學教授一人惠民藥局提領一人明各府有醫學正科一人各州有典科一人置於洪武十七年設官不給祿

中正通守五官掾督郵郡尉唐時已無宋遼金元明皆

無

縣令

唐制各縣令一人掌宣導風化察寃滯聽獄訟凡民田
收授縣令給之每歲季冬行鄉飲酒禮籍帳傳驛食庫
盜賊隄道雖有專官皆通知之其品秩各有差

長安萬年洛南

洛陽太原晉陽六縣謂之京縣正五品上京兆河南太
原所管諸縣謂之畿縣正六品下諸州上縣從六品上
諸州中縣正七品上諸州中下縣從七品上諸州下縣
從七品下代宗大歷中詔以郎官宰畿輔韋夏卿授奉
天令課為第一改長安令又韓愈為監察御史上疏論
宮市貶陽山令有愛在民民生子多以其姓字之又裴

行立遷衛尉少卿口陳願治民試
一縣令自效除河東令寬猛皆當宋建隆元年令天下

諸縣除赤畿外有望繫上中下掌總治民政勸課農桑
平決獄訟有德澤禁令則宣布於治境凡戶口賦役錢
穀賑濟給納之事皆掌之若京朝幕官則為知縣事有
戍兵則兼兵馬都監或監押高宗建炎初多差武臣紹
興中詔專用文臣然沿邊溪洞處仍許武臣指射邑大
事煩則堂除
寇準知巴東縣其治一以恩信為主後知
成安縣每期令賦役唯令具鄉里姓名揭
縣門而百姓爭赴之無稽違者又蘓頌知江寧縣時建
業承李氏後稅賦圖籍一皆無藝每發斂高下出吏手

頌因治訊他事互問民間鄰里丁產識其詳及定戶產
民或自知不悉以告頌警之曰汝有某丁某產何不言
民駭懼皆不敢隱遂剗剔夙蠹成賦一邑簡而易行諸
令皆視以為法又范純仁為襄邑令有牧地衛士牧馬
踐民稼純仁捕一人杖之牧地初不隸縣主者怒曰天
子宿衛令敢爾耶白其事於上劾治甚急純仁言養兵
出於稅畝若使暴民田而不得問稅將安出詔釋之且
聽牧地隸縣凡牧地隸縣自純仁始又周敦頤知南昌
縣南昌人曰是能辨分寧獄者吾屬得所訴矣蓋以敦
頤初為分寧主簿有獄久不決敦頤至一訊立辨邑人
驚服故也其時富家大姓黠吏惡少惴惴焉唯恐得罪
一時善政最多又程顥遷晉城令凡民以事至縣者必
告以孝弟忠信鄉必有校暇時親至召父老與語兒童
所讀書親為正句讀擇子弟之秀者聚而教之鄉民為
社會為立科條旌別善惡有勸有恥在縣三歲民愛之
如父母又趙方知青陽縣告其守史彌遠云催科不擾

是惟科中撫字刑罰無差是刑罰中教化又陳良翰知
遂安縣俗號強梗吏治尚嚴良翰獨撫以寬催科不下
文符但揭示名物民競樂輸聽訟咸得其情或問何術
良翰曰無術但公此心如虛堂懸鏡耳又葉顥知上虞
縣凡徭役令民自推排貨力甲乙不以付吏民忻然皆
以實應催租各盡其數與民約使自持戶租至庭親視
人咸便之又李南公調楚江令郡猾吏恃守以陵縣不
輸負租南公捕繫之守怒通判為謝曰能按郡吏健令
也卒寘諸法又董文炳以父任為藁城令同列皆父時
人輕文炳年少吏亦不之憚文炳嚴於聽斷以恩濟威
未幾同列束手下之吏抱案求署字不敢仰視里人亦
大化服又李衡知歷陽縣專以誠意化民夏秋二稅以
期日勝縣門鄉無吏迹而自輸送催課先他邑辦完又
陳希亮以殿中丞徙知鄆縣巫覡歲斂民財祭鬼謂之
春齋否則有火灾希亮禁之民不敢犯火亦
不作毀淫祠數百區勒巫為農者七十餘家遼南面官

縣皆有令金縣各有令品秩有差

大興宛平為赤縣從六品次赤縣又曰劇

縣正七品諸縣從七品凡縣二萬五千戶以上為次赤為劇二萬戶以上為次劇在諸京倚郭者曰京縣自京縣而下以萬戶以上為上三千戶以上為中不滿三千戶為下中元諸縣置達嚕噶齊

一人尹一人品秩各有差

至元三年合併江北州縣六千戶以上為上縣二千以上

為中縣不及二千者為下縣二十年又定江淮以南三萬戶以上為上縣秩從六品一萬戶以上為中縣秩正七品一萬戶以下為下縣秩從七品呂思誠受蔭縣尹差民戶為三等每春行田樹育勤敏者賞以農器地無遺力印識文簿令社長藏之季月報縣不孝弟不事生產者悉出之罰其輸作胥吏至社者何人用飲食若干多者責償其直又歐陽元調蕪湖縣尹縣多疑獄久不決元察其情皆為平反貢賦微發必及時民樂趨事又

干文傳歷長洲烏程兩縣尹所至俱為善政長洲為文傳鄉邑徙榻公署無事未嘗輒出而親舊莫敢通私謁

明各縣置知縣一人掌一縣之政秩皆正七品唯順天

府之宛平大興秩正六品

洪武元年徵天下賢才為府州縣職救命厚賜以勵其廉

恥又敕諭之至於再三十七年定府州縣條例八事頒示天下永為遵守是時天下州府縣官廉能正直者必遣行人齎敕往勞增秩賜金仁宣之際猶然英憲而下日罕自後益重內輕外此風絕矣計天下縣凡一千一百七十有一范希正舉賢良方正拜曹邑令九載考滿民懷其惠爭持金帛贈遺皆不納有里長陳彬伺希正獨居懷金潛入投於地疾趨而出時無吏卒無能追及明旦出召彬彬不至乃召其父至庭諭之曰大丈夫不為昭昭信節不為冥冥墮行命領其子所遺金去其父報愧領金而去又御史盛顯以言石亨出知求鹿邑蒙

士聞其來相戒曰是嘗劾石總兵者其人不可犯也顯
至變博擊而為拊循吏畏而民安之不復用刑罰有爭
訟者諭之以理輒聽受不復辨鄰邑訟多年不決者各
來詣顯訴折以片言必心服而去時人有清如水明如
鏡之語又徐九思令句容生平不嗜肉惟啜菜佐脫粟
又嘗圖一青菜於堂曰民不可有此色士不可無此味
又徐甫為武平令邑當閩越之界山寇蟠結時擾城邑
吏無寧廨他吏得此輒不欲往甫拜命欣然攜一僕兼
程就道至則拊循其民歲餘遠近化之即藪澤諸寇亦
皆傾心向化又以計擒他盜藪澤一空臺使者奏其績
為一時縣令之最

總論縣佐

丞

主簿

尉

五百附

唐制各縣有丞主簿尉等官員數品秩各有差宋如唐

制遼金亦如之元諸縣或置或兼視其縣之繁簡別置典史或二人或一人明亦有丞簿無尉各置典史與元同

丞唐制京縣二人畿縣上縣中縣下縣皆一人貳知縣事宋初不置仁宗天聖中因蘓耆請開封兩縣始各置丞一人於有出身幕職令錄內選充神宗熙寧四年諸路州軍繁劇縣令戶二萬以上者增置丞一人徽宗大觀中仇愈調高密丞俗尚罵訟愈攝縣事剖決如神事無淹夕又劉清之調萬安縣丞時江右大疫郡

檄視旱徒步阡陌親與民接凡所蠲除悉得其實請均
境內之地為八俾有粟者分賑其鄉官為主之規畫防
閑使大家得錢細民得米兩適其便民甚賴之建炎元年詔縣丞係嘉祐以前

員缺并萬戶處存留一員餘並罷寧宗嘉定後小邑不
置丞以簿兼遼南面官各縣皆有丞金亦各縣置一人
掌貳縣事元惟上縣置丞一人中縣下縣皆不置明亦

各縣置丞一人

洪武初周再由進士為新化縣丞在官以廉謹聞驗民貧富及丁稅多寡第為

上中下籍記之遇有賦役隨輕重使之故民不擾而事
易集由是流民歸者益眾以課最陞考功主事既而縣
民詣闕乞令再任上命復以為縣丞仍令吏部宴賞而
遣之又劉亨為武進縣丞有治行惠帝建文三年賜璽

書又劉幹為長洲縣丞每出勸農周行滕隴呼老叟問疾苦慈孺之色溢於顏面所至民歡迎曰父母來矣又陶魯為新會丞方弱冠時廣有強賊流剽盡雷廉高肇之境魯率民守城築寨堡中立以捍東西寇之衝築輔城以衛城浚外溝以輔衛城布鐵蒺藜植刺以衛溝立寨分兵相援邑之勢如腹心相聯絡賊至不得犯父老曰吾等保妻子長子孫皆陶丞之功也

分掌糧馬巡捕之事

主簿唐於京縣置二人餘俱一人宋真宗咸平四年王欽若言川陝縣五千戶以上請並置主簿其餘仍以尉兼從之自後川蜀及江南諸縣各增置主簿南渡後置簿掌出納官物銷注簿書遼南面官各縣皆有主簿世

宗天祿五年詔縣主簿政事省差注金各縣皆有主簿
一人掌同縣丞元各縣皆有簿一人明亦置一人與縣
丞分掌糧馬巡捕之事

尉唐制京縣六人畿縣上縣俱二人中縣中下縣下縣
皆一人分判衆曹收率課調宋建隆三年每縣置尉一
人後開封祥符增置一人掌閱習弓手戢姦禁暴南渡
後沿邊諸縣間以武臣為尉遼南面官各縣皆有尉金
赤縣置四人各縣皆置一人元各縣亦有之主捕盜之

事別有典史或二人或一人明無尉有典史一人典文
移出納

五百本為執楚導引之人各代皆不特置唐以後皆無
此職名

鄉官

鄉官自宋迄明皆不置止為職役

鎮戍關市官

唐制上鎮將一人鎮副二人中鎮將一人鎮副一人下

鎮將一人鎮副一人上戍主一人戍副一人中戍主一人下戍主一人掌捍防守禦上關令一人丞二人中關令一人丞一人下關令一人掌禁未游察姦慝宋有鎮砦官無定員遼南面邊防官有安撫使司招安使巡檢使金有諸知鎮知城知堡知寨潼關關使兼譏察官掌關禁譏察姦偽及管鑰啓閉副譏察掌任使之事其居庸關紫荆關通會關會安及他關皆設使大慶關管勾河橋官兼譏察事一人掌解繫浮橋濟渡兼管譏察姦

偽同管勾一人孟津渡譏察一人副譏察一人掌譏察
姦偽又有提舉秦藍兩關提舉同提舉提舉三門集津
南北岸汧淮譏察使其諸邊將正將一人副將一人部
將一人掌巡守邊境元各處置托克托和斯正一人副
一人掌辨使臣奸偽明洪武二年以廣西地接猺獞始
於關隘衝要之處設巡檢司以警奸盜後遂增置各處
十三年二月特賜敕諭尋改為雜職按杜佑通典云關
令古官戍主晉宋
之顯職鎮將後周之通班以唐所置卑賤與隋制同故
舉隋而已今考金之各關使譏察官提舉官及諸知鎮


知城知堡知寨并各邊將皆六七八品官元之托克托和斯為從五品明之巡檢為從九品均非顯職惟遼之安撫招安巡檢諸使則莫能知其品秩也

致仕官

唐制致仕之官五品以上及解官充侍者各給半祿宋凡文武朝官內職引年辭疾者多增秩從其請或加恩其子孫太祖乾德元年太子太師致仕侯益來預郊祀帝優待之因詔曰羣臣列位自有通規舊德來朝所宜加禮且表優賢之意用敦尚齒之風自今一品致仕官

曾帶平章政事者每遇朝會宜綴中書門下班二年令
藩鎮帶平章政事求休致者亦如之真宗咸平五年詔
文武官年七十一以上求退者許致仕景德元年三月
詔凡升朝官遇慶恩父在者授致仕官仁宗景祐三年
詔致仕官如大兩省大卿監正刺史閤門使以上歲時
賜羊酒米麪令所在長吏常加存問侍御史司馬池言
文武官年七十以上不自請致仕者許御史臺糾劾以
聞神宗元豐三年詔自今致仕官遇誕節及大禮許綴

舊班徽宗政和中提督廣東學事孫璘言諸州致仕官
居鄉者乞許令赴貢士宴從之明唯宰臣致仕在籍或
遣行人賜敕諭存問或賜白金綵幣然終明之世亦不
過數人而已



欽定續通典卷三十七